

Mes textes en wallon liégeois

Cliquez sur les titres pour aller directement à la page

- **La tendresse** (Bourvil)
Un petit bijou d'émotion d'un Bourvil plus tendre que jamais
- **Et un jour une femme** (Florent Pagny)
Un hommage à la femme qui a fait ce que je suis aujourd'hui
- **Si** (Zaz)
Un appel à la bonté humaine
- **Le Loir-et-Cher** (Michel Delpech)
Petit cadeau pour un ami, fan du chanteur
- **Li Sihinme Sins'**
Pour perpétuer la mémoire d'un ami récemment disparu
- **À r'vêy, Papa**
Et si c'étaient les dernières minutes ?
- **Wice è-st-i, l' boneûr ?** (Christophe Maé)
En voilà une bonne question !
- **Ine Mame** (Lynda Lemay)
Un hommage à toutes les Mamans du monde.

La tendresse

<https://www.youtube.com/watch?v=fcaIamIU8U0>

On pout viker sins ritchèsses
Câzî sins ârdjint
Dès sègneûrs èt dès princèsses
Ènn'a pus branmint
Mins sins tinrûlisté
On n' poreût nin viker
C'èst l' vérité
On n' poreût nin viker

On pout èsse moussî d'clicotès
Tot près dèl' bank'route
Èsse diknohou håre èt hote
Adon s'ennè foute
Mins sins tinrûlisté,
Çoula ni fèt nou pleû
On n' pout s'inmer
Nin minme lès pus tchârleûs

C'è-st-ine douce féblèsse
On nozé sintumint
Ci mèzâhe di carèsses
Di mamouûrs, d'aban'nmint
Vrêmint, vrêmint, vrêmint

Fât-st-ovrer po gangnî s'vêye
Mins s' i fât d'mori
Kékès samennes èl coulêye
On n' va nin mori
Mins sins tinrûlisté
Li tîmps vi parèt long
Long, long, long
Li tîmps vi parèt long

C'èst qwand vint l'adje dèl' crèhince
Qui v'nèt lès plézîrs
Èt l'amoûr plante si simince
Esprint nos loumîres
Mins sins tinrûlisté
L'amoûr ni sèreût rin
Rin rin, rin, rin
L'amoûr ni sèreût rin

Qwand li vêye n'èst qu'imbaras
Èt qu'on n'n'è pout pus
Qu'on s'ritrouve comme harbouya
Sprâtchî, bouhî djus
Sins li tinrûlisté
D'on coûr po n'z-aspaler
Nosse vêye à long
On n'ireût nin pus lon

In-èfant vi rabrèsse
Avou on r'gård di v'loûr
I s' sint bin d'vins vos brèsses
On-z-a les lâmes às oûy
Mon diu, mon diu, mon diu...

Avou tote vosse sûtisté
Dji v' prêye à sécouûrs
Fé qui ploûve sins distèler
À fond di nos coûrs
Plin di tinrûlisté
Po qui n' âye qui d' l'amoûr
Rin qui d' l'amoûr
Po tote l'ètèrnicité

[Retour à la liste](#)

Et un jour une femme

<https://www.youtube.com/watch?v=GdIBdMBBgrI>

D'aveûr pièrdou des annèyes à tûzer
À çou qu' lès fâves kék'fêyes vi fèt imâdjiner
D'aveûr brâdé si djonnèsse tot-avâ
Di s'y aveûr bloûzé, d' n' èsse ine saquî nol pâ
D' èsse atoumé bin pus bas ki l' poussîre
Acûzer l' tère ètîre èt adon ni rin dîre
D' aveûr lèyî disqu'à si dignité
Sins n' pus rin dimander k'on vinse po vos spater

Èt on djoû v'la ine feume
Qui vis veût tère èwale
Èle vis print so sès spales
Come si v'z-estî ine pleume
Èt disqu'on bout d' sès fwèces
Èle èwalp' di sès brès'
Vos plus profondès plâyes

Adon puis, ciss' feume-là
Mèt' si mins divins l' vosse
Po vis sètchî dèl' fosse
Èt di tot si pus fwért
Come èle pwèrtreût li tère
Vis prouève qu'èle vis-inme
Qui vos n'esté pus l' minme

Tos les djoûs èle vis rid'nêye voss'confiyince
Avou tote si pacyince
Èle vis r'mèt' è voss'tièsse
R'trover sès fwèces èt mutwèt in-avnîr
Apreume li dèzîr d'èsse
Ôt' tchwè qu'on grand mârtîr

Èt on djoû v'la ine feume
Qui vis veût tère èwale
Èle vis print so sès spales
Come si v'z-esteûs ine pleume
Èt disqu'on bout d'sès fwèces
Èle èwalp' di sès brès'
Vos plus profondès plâyes

Adon puis, ciss' feume-là
Mèt' si mins divins l' vosse
Po vis sètchî dèl' fosse
Èt di tot si pus fwért
Come èle pwèrtreût li tère
Vis prouève qu'èle vis-inme
Qui vos n'esté pus l' minme

Èt on djoû ciss' feume-là
Vis louke divins voss' coûr
Vis rabrèsse tinrûlemint
Come in mame si gamin
Èt avou tot si-amouûr
Vis done tot çoi qu'èle a
Djoû po djoû, tote l'annêye
Èt djisqu'à l' fin d' vosse vêye
Djoû po djoû, tote l'annêye
Èt disqu'à l' fin d' vosse vêye

[Retour à la liste](#)

Si

<https://www.youtube.com/watch?v=W4DTYmmT5yQ>

Si dj'esteûs copleû dè bon dju
Si dji kinohéve lès priyîres
Si dj'esteûs come in-andje dès cîrs
Si dji poléve bouhî tot dju
Si dj'esteûs rinne ou bin macrale
Princesse, blank' dame ou come ci-chal
Qui kimande on fir rêdjimint
Si dj' poléve sofler lès molins
Dj' metreûs dè solo so l' mizére
Èt tot' lès lâmes frît ine riviére

Dj'mètreûs dès fleûrs la k' minme
L'èspwér n'est nin l' binv'nou
Tos lès veûs porît-st-ariver
S'aptilhî sèreût disfindou
Èt distoûrner lès oûyes avou

Si dj'aveûs dès mêyes èt dès cints
Brâmint dèl' fwèce èt pus l' talint
Di cès grands mèches, dès prézidints
Si dj'aveûs les clés di leûs âmes
Si dj' poléve esse on fir sôdârd
Qui fêt toumer tos lès rampârts
Dji poreûs met' on pô dèl' lâme
Divins lès sondjes dès p'tits-êfants

Dji mètreûs dès coleûrs à pîres
Dj'imâdjînerêûs dès paradis
Po lès nol' tchance, po lès sin trônes
Po lès pus p'tits

Min dji n'a k'on coûr en clicote
Èt dès ramayes às bouts dès mins
Ine vwè ki l' vint tchasse à matin
Min si nos mins si rapoûlît
Nos millions d' coûrs come onk batît
Si nos vwès polît s'acwèrder
Kén-iviér poreût rëzister ?

On monde pus fwért, ine tère pus douce
Po tot rifé so 'ne bèle peloûze
P'tit-à p'tit, miyète à miyète
Gote à gote èt coûr à coûr
P'tit-à p'tit, miyète à miyète
Gote à gote èt coûr à coûr

[Retour à la liste](#)

Le Loir-et-Cher

<https://www.youtube.com/watch?v=5NWL-ds3Hyg>

Mes parints vikèt todi tot près d' Fléron
Lès djins d' là ni fèt nin d' manîres
I passèt leû tins à djâzer so l'péron
À s' rapinser d' leûs pus bês sov'nîrs

Dji n'a mây avou (-) grand-tchwè à leûs dire
Mins dji lès îmes dispôy todi
Kék'fêyes dji va passer l' sem'di
Èt m'mame fèt dès pètêyes crompîres

I m' dîhèt, i m' dîhèt
Ti vikes sin mây veyî in-ouhê, on pomlî
I m' dîhèt : ti n' vins pus
Mînme po danser l' crâmignon
Ti n' pinses mây pus à tès vîiiiiiiiiîs

On direût k't'as honte di riv'ni à Fléron
On direût k't'as sogne di roter so on stron
(bis)

Chaque fêye ki dji r'vins à Fléron dire bondjou
I n' mi lèyèt pus 'nnèraler
Dji leûs dis k' dji deûs rintre ovrer
Ki dji n' fé nin tot çou k' dji vou
Èt k'i fât k' dji trouve dè diesel po l' vwètûre
Ki dji r'vinrès fé l' crâsse eurêye
Magnî dès vôtes à l'confitûre

I m' dîhèt, i m' dîhèt
Ti vikes sin mây veyî in-ouhê, on pomlî
I m' dîhèt : ti n' vins pus
Mînme po danser l' crâmignon
Ti n' pinses mây pus à tès vîiiiiiiiiîs
(bis)

[Retour à la liste](#)

Li Sîhinme Sins'

Dji veû dès p'tits-éfants ki djouwèt tot-avâ.
Dj'ode li sinteûr dès jèbes côpêyes po l'ocâzion.
Dj'ètins lès doûs mûsédjes d'on valet à s'crapôde.
Mins dji n'sins pus mès deûts, mi tièsse, mès djambes, mès brès'.
Dji gostêye d'esse vikant, mins nin come vos crèyez.

Cisse lêde bièsse di virus, ki n'èst nin co èvôye,
ni candj'rè nin grand-tchwè, tot toûnrè come d'avance.
N'ârèt todi dès ritches po tchoûler tos leûs çans',
èt plin dès pôvès djâles qui sâyèt d'surviker.

Dès bârîres sont toumêyes mins lès djins s'tinèt dreûts,
adon qui nos minisses, èt tot l'gouvernumint,
s'mètèt co 'fêye à gngnos divant leû Dju d'ârdjint.

Dès promèteûs d'bons djoûs, ou bin d'mohes à deûs cous !
Mins sayî d'lès candjî c'est "Mission impossible"
c'est prind' di l'êwe di Mouise èt tachî d'fé de boûre !

Tinez bon les amis, dji sé k'c'èst malâhêye.
Fez confyince à l'amouûr, 'n'a k'lu k'èst vormint vrêye.
Mînme li bon Dju, là-d'zeûr, i fât creûre k'il èst soûrd!

Dj'a sintou tot l'amouûr dès-amis, del famile,
dji tûze brâmint à vos di d'la ki dj'so asteûr;
mès ohês sont-st-è trô mins m'coûr èst tot-avâ.

[Retour à la liste](#)

À r'vêy, Papa

Divant qu'i n' distindesse totes lès loumîres
Dji n' va nin v' dire çou qu' vos-avez bin ou mâ fé
Lès tins sont v'nou, c'è-st-insi
Dji v' sohêt'rè bone nut', dji sèr'rè l'ouh
Dji v' dirè co 'ne fêye qui dji v-z-inme
Adon volà!
Dji n'so nin vosse fi, vos n'èstèz nin m' pére
Nos-èstans seûlemint dès-omes qui s' dîhèt à r'vêy
Nin mèzâhe di pardonner, nin mèzâhe di rouvî
Dji k'nohe vos fâtes, vos k'nohez lès meunes
Èt so l' tins qu' vos dwèrmez, dji sâyerè qui vos sèyîse fir
Dj'a ployî vos moussemints so l' tchèyîre
Dj'èspère qui vos dwèmrez bin
Dwèrmez tant qu' vos volez
Èt soupirez-m' on djèrin mot
Vos polez sinti mi min so l' vosse
Dji sèrè l' djèrin, dji lêye ine loumîre
Ni lêyî nolle spèheûr è vosse côur
Adon, Papa, polez-v' djusse sèrer lès-ouy?
N'âyîz nin sogn, c'è-st-à m' tour
Di tchèssî l' monse evôye

[Retour à la liste](#)

Wice è-st-i, l' boneûr ?

Dj'a fêt l'amoûr, dj'a stu hêyî
Dji ratindève d'esse ûreûs
Dj'a scrîs dès tchansons, dj'a fet dès-êfants
Dj'a fêt po on mîs
Dj'a stu grigneûs, dj'a fêt lès cwanses
On fêt çou qu'on pout
Dj'a fêt l' bièsse, c'èst vrêye, dj'a fêt l' fièsse, awè
Dji crèyéve esse ûreûs, mins...

I-n-a dès swèrêyes sins camarâdes
Qwand nouk' ni sone, qwand nouk ni vint
C'èst dîmègne al nut', è l'êwe
Come ine bièsse è s' bagne,
Tot sayant d' èl noyî, mins i flote
Ci crèvé chagrin
Adon, dji m' tchante mès pus bèlès notes èt...
Ça ira mîs d'min

Wice è-st-i, l' boneûr, wice è-st-i ?
Il èst là, l' boneûr, il èst là

Dj'a hanté, dj'a fêt l' cok
Dji ratindève d'esse ûreûs
Dj'a fêt l' drole, c'èst vrêye, èt dji n'a rin fêt
Mins ça n' vât nin mîs
Dj'a fêt dès bin, dj'a fêt dès fâtes
On fêt come on pout
Dj'a fêt dès bièstrêyes, dj'a ri à m' dispîhî, awè
Dji crèyéve esse ûreûs, mins...

I-n-a lès sîzes di Noyé, là qu'on rêye onêtemint
Po prôtèdjî lès p'tits-êfants di cisse vêye di
tchin
Èt cès vûdès-tchèyîres qui nos fêt r'sov'ni
Tot çou qui l' vêye nos prind
Adon, dji m' tchante mès pus bèlès notes
Ç'èsteût mîs d'avance

Wice è-st-i, l' boneûr, wice è-st-i ?
Il èst là, l' boneûr, il èst là

C'è-st-ine tchandèle, li boneûr
Ni ryez nin, d'abôrd
Vos risquez d' èle distinde

On vout l' boneûr, on l' vout
Tot l' monde pout l'adièrcî
Mins i n' mine nou brut, l' boneûr
Nenni, 'nnè fêt nin
C'èst bièsse li boneûr, awè
Pasqui c'èst sovint après côp
qu'on sét qu'il èsteût là

Wice è-st-i, l' boneûr, wice è-st-i ?
Il èst là, l' boneûr, il èst là

[Retour à la liste](#)

Ine Mame

Ine Mame,
èlle ouveûre tot l' tins,
èle dwèm' d'in-ouÿ,
èle monte li gâr come on tchin,
èlle acoûrt po on p'tit brut,
èle dwèm' dès coûtès nutes.
èle si dispinde lès brès',
èle dimeûre près di s' covèye,
èle pâyère avou s' djonnesse, avou s' bêté.

Ine Mame,
èle fêt çou qu'èle pout, èle ni pout tot fé,
èle fêt po on mîs.

Ine mame,
èle rapâh'têye lès margayes
èle pingne dès-ôtès dj'vès qui s' prôpe bouhon.

Ine mame,
èle n'est pus come lès ôtes bâcèles,
èle roûvèye d'esse fire,
èle vike po s' famille.

Ine Mame,
èle dimeûre al mohone
come ine pîre rèssèrêye èl frut d' sès sofrances.

Ine Mame,
c'est là à nos-ahouwer,
avou lès-ouÿ plins d'êwe èt lès dj'vès plins d'
nîvaye.

Ine Mame,
on moumint, èlle èst tote bahowe,
èle wigne qwand èle s'abahe,
èle ènnè pout pus hop',
èle ènnè pout pus d'esse pèzante,
èle tome, èle si spèye li hantche.
Adon pwis rademint èlle ènnè r'va.
C'est s' djèrin dîmègne,
èle pleûre, èt èle mègrîh si vite qui vos l' vèÿ,
ç'avint al tènîheûr d'on p'tit wahê

Oh bin sûr, èle vout r'vèÿ tos sès-éfants ras-
sonnés è s' tchambe
èt èle fêt lès cwanses d'esse todi fwète,
disqu'à tant qui l' pus djonne sére li pwète.
Èt qwand èle s' ritrouève tote seûle,
èle ratind pacyinmint qui l' banne dè cîr
s'int'droûve.
Èt adon là, èle si done li dreût, po 'ne fèye à fé,
di sèrer lès deûs-ouÿ d'on cop.

Ine Mame, ça n' deûrêût nin 'nnè raler.
Mins on n' pout rin î fé.
Mins on n' pout rin dîre.

[Retour à la liste](#)